



Ukuhlomisa izingane zethu
ngelikusasa

SS 3

Isihloko sesifundo: “Umfanekiso wembewu yesinaphi”

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **“Umfanekiso wembewu yesinaphi”**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Kepha lesifundo singenziwa nangesikhathi esihambisana nenqubo yomnden wakho. 2.3: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.4: Uyacelwa uthinte uThisha wakho wesikole sangeSonto uma udinga noma yiluphi usizo noma uma udinga ezinye izinsizakufunda kulezi ezingenhla. 2.5: Uma isifundo sesiphothuliwe nengane yakho, uyacelwa ukuba wazise Isikole sangeSonto ukuze kugcwaliswe irejista ku MIS.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Isenzo
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se – **SS 3** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



Isifundo

Isihloko	“Umfanekiso wembewu yesinaphi”
Umbhalo weBhayibheli	NgokukaMathewu 13 v 31 – 32
Inhloso yesifundo	Izingane zifunda ukuthi isithembiso seNkosi sikhulu. Uma sigcina izwi laYo futhi senze ngokufanele, siyotholakala sikufanele ukungena eMbusweni weZulu.

Isifundo esifingqiwe:

Khumbula umngane wethu uManuel. Uhlala ezweni elifudumele lapho kukhula khona amawolintshi amahle kakhulu. Ngolunye usuku lapho wayedla uwolintshi waluma okuthile okuqinile. Yindumbha! Wakhafula futhi emangele uyazibuza ukuthi kungani kubenezinto eziyizindumbha.

Ubaba wakhe uthi: Mhlawumbe ngolunye usuku sizoba nesihlahla sewolintshi esizomila lapha. UManuel uyamangala. Ingabe wayesho ukuthini ubaba wakhe na?

Ubaba wakhe uyachaza ukuthi izindumbha ziyimbewu yewolintshi. Futhi ukuthi izihlahla ezinkulu zikawolintshi zikhula ukusukela kwindumbha encane.

UManuel nobaba wakhe banquma ukuthatha izindumbha bazitshale. Ngokunakekela nangothando izindumbha zizokhula zibe yizihlahla ezinkulu nezinhle.

UManuel usamangele ukuthi into encane kangaka ingaba yinto enkulu kangaka!

Ubaba kaManuel uthi iNkosi idale konke ngokumangalisayo kakhulu. Utshela uManuel ngesikhathi uJesu walandisa ngaso umfanekiso wembewu yesinaphi.

"Imbewu yesinaphi?", Kubuza uManuel. Konke akwaziwa yisinaphi evela ebhodloleni. Ubaba kaManuel uchaza ukuthi kunembewu ekhethekile yesinaphi, ebizwa ngokuthi - Isinaphi emnyama. Imbewu encane kakhulu. Njengechashazi lothuli. Kepha ikhula ibe yisihlahla esikhulu kunazo zonke. Amamitha amathathu ukuphakama. Lokho ukuphakama okuphindwe kathathu kunoManuel! MAYE!

Ubaba kaManuel uchaza ukuthi uJesu wasebenzisa lendaba ukukhombisa ukuthi uNkulunkulu angenza noma yini - uze enze nesihlahla esikhulu ukuthi sikhule kepha sivela embewini encane kakhulu. INdodana kaNkulunkulu yeza emhlabeni - wayenguMuntu oyedwa nje kuphela.

Kepha amazwi aKhe avela kuNkulunkulu futhi uNkulunkulu wavumela okuthile okuhle ukuba kukhule emazwini aKhe. UNkulunkulu ukhuluma nathi nanamuhla. Ufuna silalele amazwi aKhe ngoba yize noma ebonakala emancane, kepha aphenyuka into enhle emangalisayo - asilungiselela uMbuso weZulu.



Ingabe sisho ukuthini lesisifundo kithina namhlanje na?

Ingabe isifundo sisifundisani na?

- Kufanele silungiselele izinhliziyi zethu ngokuhle uNkulunkulu afuna ukusinika kona.
- UNkulunkulu angenza ukuthi ngisho nembewu encane kunazo zonke ikhule ibe yizihlahla ezinde kakhulu.
- UNkulunkulu ufuna ukuba sithathe izwi laKhe futhi silivumele likhule ezinhlizweni zethu ukuze siwufanele umbuso waKhe.
- Silizwe izwi likaNkulunkulu ezinkonzweni eziNgcwele. Noma kubukeka njengokuthile okuncane, lawo mazwi angakhula ngamandla aNgcwele futhi asenze sifaneleke ukuba sibe kanye noNkulunkulu.

Eminye imibuzo esingayibuza:

- Ingabe izingane zingasho imbewu ethile encane ekhula ibe yisitshalo esinkulu na?

Impendulo: Sebenzisa izibonelo ezisengadini yakho noma ezithelweni ezisekhaya.

- Khombisa izingane izihlahla - chaza ukuthi izithelo zivela embewini. Isihlahla siyobese sithela izithelo eziningi ukuze kwakheke enye imbewu. Izinyoni manje zisebenzisa izihlahla ukuthola indawo yokuhlala nokuzivikela. Akuwona yini amandla kaNkulunkulu amangalisayo lawa!

- Ingabe umfanekiso usifundisani na?

Impendulo: UMoya oNgcwele usikhombisa ukuthi yini ebalulekile. Sithola lezi zifundo ngelizwi likaNkulunkulu. Sizwa lawamazwi ezinkonzweni eziNgcwele. Ngenkathi abonakala amancanyana futhi engabalulekile, athwele amandla amakhulu. Lamazwi ayasisiza ukusifundisa ukuze sikufanele ukuba seMbusweni kaNkulunkulu. UNkulunkulu ufuna lawamazwi ukuba akhule njengoba imbewu ikhula.



UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Notes
